

## Entschatta da scola

Gliendisdis, ils 16 d'ost 2021 entschevin nus igl onn da scola 2021/22. Nus selegrein sin l'entschatta digl onn da scola **cun risguardar las reglas da corona**. – Las scolaras ed ils scolars a partir da 12 onns ston vinavon purtar mascherinas els mieds da transport publics. En scola sto buc pli vegnir purtau maschina.

En ils differents loghens da scola entschevin nus igl onn da scola suandontamein:

### Glion – scoletta e scalem primar

Allas 09:00 serimnan tut ils affons sin il plaz da scola. Ils scolarets serimnan ella scoletta correspondententa tenor invitaziun. Ils geniturs astgan accompagnar lur affons **tochen sil plaz da scola** e separticipar allas 11:00 el liber all'avertura uffiziala digl onn da scola. Ord motivs enconuschents astgan ils geniturs **buc** accompagnar lur affons en casa da scola ni en scoletta. L'instrucziun tenor urari succeda naven dil suentermiezdi.

### Glion – scalem superiur

Las scolaras ed ils scolars sentaupan allas 08:00 en l'aula dalla casa da scola (tract B). Suenten in cuort beinvegni ha l'instrucziun liug tier il scolast/la scolasta da classa igl avonmiezdi. Suentermiezdi vegn instruiu tenor urari.

### Castrisch e Sevgein – scoletta e scalem primar

Igl onn da scola niev entscheiva allas 08:10 a Sevgein (rimnada avon halla plurivalenta). Las partenzas digl auto da posta ein sco suonda: Riein 07:30, Luven 07:35, Isla 07:45, Castrisch 07:50 (per la 1.- 6. classa), Castrisch 08:00 (per ils scolarets). Ils scolars da Castrisch duein per plascher deponer il turnister avon casa da scola a Castrisch avon che prender la posta a Sevgein. Il survetsch divin ecumen entscheiva allas 09:00 ella baselgia a Sevgein, ord motivs da plaz en baselgia supplichein ils geniturs dad affons pli vegls (naven dalla 2.cl) da buc vegnir al survetsch divin. Nus engraziein per Vossa capientscha. Medemamein ha la scola da Glion decidu ch'ils geniturs astgan buc accompagnar lur affons ellas classas. Allas 10:00 tuornan ils scolars dalla 3.-6.cl. a pei a Castrisch (calzers e giacca da plievgia).

### Duvin – scalem primar

Pil niev onn da scola sentupein nus allas 8:00 uras avon casa da scola. Da bial'aura dat ei in solver communabel cun ils geniturs avon casa da scola. Da macort'aura ha il solver liug – senza ils geniturs - en stanza da scola. Muort las mesiras da Corona astgan ils geniturs **buc** accompagnar lur affons en stanza da scola.

### Rueun – scoletta e scalem primar

Survetsch divin communabel allas 08:00 (rimnada allas 07:55). Cun risguardar las reglas da distanza ein ils geniturs medemamein cordialmein beinvegni. Silsuenten entscheiva l'instrucziun ellas stanzas da scola tier las scolastas ni il scolast da classa. **Ils geniturs cun affons en scoletta ed ell'emprega classa ein cordialmein beinvegni dad accompagnar lur affons.**— La sera da geniturs ha liug mardis, ils 17 d'ost 2021, allas 19:30 el foyer dalla scola.

### Ruschein – scoletta e scalem primar

Nus entschevin igl onn da scola allas 8:15 cun scolars e scolarets en casa da scola a Ruschein. Ord motivs enconuschents astgan ils geniturs **buc** accompagnar ils affons ellas stanzas da scola. Nus engraziein per la capientscha. Allas 11:00 fagein nus ina cuorta messa da scola en baselgia a Ruschein. Ils geniturs ein cordialmein envidai da separticipar a quell'occurrenza.

### Plan da vacanzas 2021/22

entschatta digl onn da scola: 16 d'ost 2021

vacanzas d'atun: 09-10-2021 – 24-10-2021

vacanzas da Nadal: 23-12-2021 – 05-01-2022

vacanzas da sport: 26-02-2022 – 06-03-2022

vacanzas da primavera: 23-04-2022 – 08-05-2022

finizun digl onn da scola: 1. da fenadur 2022

*Firaus e dis libers tenor il plan da vacanzas sin la pagina d'internet [www.scola-glion.ch](http://www.scola-glion.ch)*

Per damondas stat il secretariat (081 925 28 29 ni [schule@ilanz-glion.ch](mailto:schule@ilanz-glion.ch)) bugen a disposiziun. Nus giavischein a tuts ina biala entschatta e buna sanadad.

Team da scola Ilanz/Glion